

ԱՐՏԱՔԻՆ ՏԵՍՈՒԹԻՒՆ

ԳԵՐՄԱՆԻԱ

Բերլինից հեռագրում են, որ գերմանական թագաժառանգը յայտնել է, թէ նա բոլորովին չէ համարում հակահրեական շարժմանը և թէ նրան չափազանց վրդովեցնում է այն իրողութիւնը, որ այդ վարդապետութիւնը մուտք է գտնում նոյն պէս և ուսումնարանների մէջ: Թագաժառանգին չափազանց զարմացնում է այն հանգամանքը, որ հոգեւոր ինքնակաշիւնի մէջ նշանաւոր պաշտօններ ունեցող անձինք նուազապէս են այդ շարժմանը: Թագաժառանգը յոյս ունի, որ այդ շարժումը շուտով կ'ոչնչանայ, որովհետեւ գործերի այդպիսի քննաստիճար դրութիւնը անկարելի է պահպանել:

Իշխան Բիսմարկ անընդհատ աշխատում է: Նա մի քանի անգամ խորհրդակցել է կայսրի հետ: Արտաքին քաղաքականութիւնը գլխաւորապէս գրաւում է գերմանական կառավարութեան ուշադրութիւնը: Գերմանիան ցանկանում է, որ թիւրքիայի և Բուլղարիայի մէջ պատերազմ չը պատահի: Գերմանական դեսպանը Աթէնքի մէջ յայտնեց յունական կառավարութեանը, որ նա պէտք է չը սպասէ պետութիւնների օգնութեանը, եթէ թիւրքիայի հետ պատերազմ սկսէ: Բացի այդ գերմանական կառավարութիւնը համոզում է սուլթանին զիջումներ անել յօգուտ Բուլղարիայի և այդպիսով պատերազմի առաջն առնել:

Լրագիրներին Բերլինից հաղորդում են, որ հակասովորական շարժումը սկսված է այն նպատակով, որ պարլամենտի անդամների ապագայ ընտրութիւնների ժամանակ պահպանողականները յաղթող հանդիսանան. „Berliner Tagblatt“ լրագրի բազմաթիւ բաժանորդ բանւորները նորերում մի ժողով կազմեցին և վճռեցին ոչ թէ միայն չը մասնակցել հակահրեական շարժմանը, այլ ընդհակառակը յայտնել ժողովի ատելութիւնը և արհամարհանքը այն մարդիկը, որոնք նպատակ ունենում են հրեաների հալածանքներին: Բացի այդ այսպէս անուանված քրիստոնէայ սօցիալիստները յայտնեցին, որ նրանք ոչ թէ միայն չեն նպաստի հակահրեական շարժմանը, այլ ընդհակառակը ձայն կը տան ընդդէմ այն բացառական օրէնքներին, որոնք կառաջարկվին հրեաներին հալածելու համար: Այժմ պահպանողականները հասկացել են, որ Շտէօկեր և Տրայչկէ ներքին շատ վատ ծառայութիւն են մատուցել:

ՆԱՄԱԿ ՖՐԱՆՍԻԱՅԻՆ

Փարիզ, դեկտեմբերի 27-ին 80

Ֆրանսիան 1870-ին գերմանացիներից ստրուտիկ ջարդ կրելուց յետոյ և ազատվելով վերջապէս Նապոլեոն III-ի ձեռքից սկսեց աւելի իր սեպական բարենորոգութեամբ զբաղվել: Հասկացաւ վերջապէս, որ միշտ ուրիշների գործի մէջ խառնվելով աւելի վնասում է, քան թէ օգուտ: Սրան լաւ ապացոյց է այն վերջի տարիների արեւելեան հարցը, որ ամբողջ Եւրոպան դրդման մէջ գցեց, իսկ Ֆրանսիան մի կողմը քաշված հանդիսատես էր այս կատակերգութեան, Սա ոչ մի վճռողական քայլ չարաւ արեւելեան հարցին վերաբերեալ և ոչ մէկի պաշտպան չը հանդիսացաւ: Վտանգ չը տեսնելով իր շահերին, չէզոքութիւնն պահպանելը աւելի ձեռնառու էր սրան: Չը պէտք է մոռանալ, որ Ֆրանսիան այժմ պաշտպան է հանդիսանում Բուլղարիային այն պատճառով, որ թիւրքիան անամթաքար չէ ուղում Բերլինի կոնգրեսում նշանակված տեղերը յանձնել յոյներին: Թէն այս

պաշտպանութիւնը հաստատ կերպով չէ յայտնված, բայց ասում են, իբր թէ պ. Գամբետան յունաց թագաւորի հետ խօսելու ժամանակ կոնգրեսի վճռի վերաբերութեամբ, ասել է հետեւեալը:—Թագաւոր, ձեր յոյսը մեզ վրա դրեք: Այս համարը մեծ ազմուկ գցեց ժողովրդի մէջ և լրագիրները զարմանալով հարցնում են, թէ ինչ բանի վրա հիմնած պ. Գամբետան այսպիսի յոյսեր է տալիս յոյներին, քանի որ Ֆրանսիան այլ եւ չէ ցանկանում ուրիշի գործի մէջ խառնվել: Այս հարցը մնաց հարց. իսկ Աթէնքից թղթակիցները գրում են, որ յոյները մեծ պատրաստութիւն են տեսնում պատերազմի համար. թագաւորը գնում է ամեն օր զինուորական կրթութիւնը նախելու և կրկնում է Գամբետայի խօսքերը, որ մեծ օգուտ է պատճառում զինուորներին: Թոյնները այս, այլ խօսքներ այն հարցի վրա, որ աւելի է զբաղեցնում Ֆրանսիային, այն է եզոխները և առհասարակ հոգեւորականութիւնը: Եզոխները որ այս մի քանի տարիների ընթացքում կազմել էին բազմաթիւ միաբանութիւններ առանց տէրութիւնից թոյլտուութիւն ստանալու: Կառավարվում էին իրանց սեփական օրէնքներով և կառավարութեան օրէնքներով: Ոչինչ նշանակութիւն չունէր սրանց համար: Նոյնպէս ուրիշ ուխտեր եզոխներին շատ խոր արմատ էին գցել: Ֆրանսիայում ժողովրդի տարրական կրթութիւնը իրանց ձեռքը գցելով: Այս հարցերը փոխանակ եզոխներին, հաւատարմութիւն, ազատութիւն և աւետարան քարոզելու, որ իրանց սեպուն պարտականութիւնն էր, խառնում էին աւելի քաղաքականութեան մէջ, պատրաստում էին իրանց աշակերտներից ընտրելու կղերականներ և հասարակապետութեան ամենաջերմ թըշնամիներ:

Ճշմարտն ասել, հասարակապետութիւնը չէր կարողանում մրցել սրանց հետ, որովհետեւ կղերութիւնը ամբողջովին սրանց ձեռքն էր և որ զիսաւորն է՝ ժողովրդի մեծ մասը իրանց խաղաղութիւնը: Ֆրանսիային չէր մնում մի այլ միջոց. այս կտրուկ ոյժը պէտք էր մտրակել. այսպէս էլ արեց:

Անցեալ մարտի 29-ին հրատարակեց մի հրովարտակ, որով բոլոր եզոխները դատաւարութեան ամբողջովին դուրս քշվել Ֆրանսիայից. իսկ միւս ուխտերին հրաւիրեց, որ իրանց կանոնադրութիւնը ներկայացնեն կառավարութեանը վաւերացնելու համար, որոնք չը ներկայացրին: Արեւմտ այս ուխտերն էլ վերոյիշեալ հրովարտակի զօրութեամբ պէտք է քանդվէին և քանդվեցան էլ: Այս հրովարտակը հրատարակվեց թէ չէ, իսկոյն բոլոր կղերական լրագրութիւնը իրար անցաւ և հրաւիրեց կաթողիկոսները գնել վեր առնել իրանց եկեղեցին պաշտպանելու, բայց ժողովուրդը հանդիստ մնաց, կառավարութեան այս կարգադրութեան մէջ վնասակար բան չը նկատելով: Ի հարկէ, այս կարգադրութեան վրա չէր անդադրում չէր կարող ստանալ չէր նայել, այլ հաւատացեալներին պէտք էր ցոյց տալ որ այն սուրբ տեղում չեն քնում, միշտ հսկում են իրանց հօտի վրա և սրա համար պապը մի կօնդակ գրեց հայրական խորհրդերով լցած հասարակապետական նախագահին. բայց ինչպէս երեւում է, կօնդակը ընկաւ: «Մշակի» հոգակված դամբարանի մէջ, Ամեն տեղ հոգեւորականութիւնը քարոզում էր ժողովրդին խիստ կերպով դիմադրել հրովարտակի գործադրութեանը: Ամեն տեղ միեւնոյն անխնայ քարոզներ էին լսվում: «Կառավարութեան փորը մտել է չար հոգին և քրիստոնէութեան մեծ վտանգ է սպառնում. հաւատացեալներ, պատրաստ կացե՛ք այս փորձութեանը, ժամ է արդէն որ մենք մարտիրոսանալով սխտի արժանանանք երկնաւոր պտակին»: Արդեօք ըստանք մարտիրոսացանք թէ՛ միայն այս խօսքերը ցնդողովում ուղեղի արգասիք էին, յարգոյ ընթերցողը չուտով կը տեսնի: Այս քարոզութեան ունեղիւր էին անգործ ձերեր և պառաւներ, եզոխներին ընտրելու աշակերտներ և զօմեաներ: *) մի կանոնաւոր կրթած՝ չէր-չնորքով մարդ չէր գտնվում սրանցում: Այս սրանք էին ուղում մարվում սրանցում: Բայց ինչու համար, իրանք էլ չէին տրոսանալ. բայց ինչու համար, իրանք էլ չէին հատկանում ողորմութիւնը: Ինչպէս երևում էր, Գարրիէլ հրեշտակապետն էլ շատ էր դադրել այսպիսի թանձրամիտ դուխներ դալնելով պատկել: Իսկ հասարակ կանաչի ծախողը արհամարհեց միայն անդամ մի տարի տերեւներից պսակ պատ-
*) Սրանք կարծում են մի գասակարգ, որոնք միշտ լաւ և մաքուր հագնված՝ ամբողջ կեանքը լիւր կանանց հետ են անցկացնում, սրանց աւելի ուրիշ ոչնչով չեն պարագայում:

րաւտել, որով եզոխները կարողանային գոնեա իրանց փոքն *) համեմել: Վերջապէս, ինչ երկարացնել, օրէնքը սկսեց իր գործողութիւնը: Կառավարութիւնից նշանակված մի մարդ, որին հետեւում էին ժանդարմներ, բազմաթիւ պոլիցիականներ և մի քանի դարբին և հիւանդ իրանց գործիքներով չըջապատում էր մի վանք առաւօտեան ժամի 3-ին կամ չորսին և դրան զանգակը քաշում: Այն բոլորին և իր դրան վեր պատուհանից դուրս էր նայում մի ճաղատ դուռն սաթակէլի կատարի աչքերով, փրփուրը բերանում և հարցնում.

—Ինչ էք ուղում այս ժամին, ո՞վ էք:
—Մենք օրէնքով նշանակված մարդիկ ենք և խնդրում ենք, որ ձեր կամքով դատարկեք վանքը, սպա թէ ոչ կը ստիպենք:
—Գուց ասօրին էք վարվում, պարոններ:
—Մենք մարտի 29-ին հրատարակված հրովարտակի համեմատ ենք գործում:
—Մենք ձեզ չենք ճանաչում, կորէք այստեղից—այս ասելով փակում էր սեպուրիւր պատուհանը առանց դուռը բանալու և անհետանում վանքի մէջ:

Իսկոյն հրաման էր տրվում հիւանդներին դուռը կտրել, ասածն ու արածը մէկ էր լինում և կային հարուածները տակ դուռը ջախջախված վայր էր ընկնում: Այս գործողութիւնից յետոյ ժանդարմները մէկ մէկ դուրս էին բերում սեահոյներին և ասում «24 ժամի ընթացքում Ֆրանսիայից դուրս պէտք է գնաք, դուք այլ եւ իրաւունք չունէք այստեղ մնալու»: Ողորմելիներին ոչ ոք չէր խղճում, այլ ընդհակառակն խառն բազմութիւնը սրանց տեսնելով աւելի կատաղում էր և դուռում «à bas les colatins, vive la République Française»: Իսկ երկուստարութիւնը մի կողմը քաշված «Marsillaise» էր երգում ուրախ ուրախ: Այս գործողութիւնը կատարվում էր ամբողջ երկրում և Ֆրանսիան մաքրուեցաւ վերջապէս սեպուրիւրներից: Բայց պէտք է գիտնալ, որ շատերը սրանցից չեն հեռացել այս տեղից, այլ աշխարհական չոր հագած չօկոտի և սրա նման բաների վաճառականութեամբ են պարագում, մանաւանդ հարաւային Ֆրանսիայում:

Երեւոյն է ճշմարտ, այս անամթերներ արածը, երեւակայի, սիրելի ընթերցող, չօխաղի էտիքէտի վրա գրում են հետեւեալը—բարի Գրիտտի չօխաղա՛ր:

Խեղճ Գրիտտոս, ինչ էր քո մեղքը, որ հրեաներից տանջվելով և հռօմայեցիներից խաչվելով հաղար տարիներից յետոյ չօխաղ պատրաստող են շինում քեզ այս չար ծուռնդները... Այժմ մնում է կոչների հարցը, որի համար սեահատում ասել են, որ սրանց հետ ուրիշ տեսակ պէտք է վարվել. և ճշմարտ, սրանց զխնն չէ կարելի եզոխներին օյնել խաղալ: Եթէ ինչ հարցնեն, եւ խորհուրդ կը տայի կառավարութեանը այնպէս անել, որ սրանք ստիպված մի մի սիրուն մարդ ուղեն և Ֆրանսիային մի քանի զաւակ ընծայեն, որով թէ երկիրը կը բազմամարդանայ և թէ ժողովուրդը շատ գոհ կը մնայ:

Անա նոր տարին մտնում է, հասարակապետութիւնը մնում է բախտաւոր կերպով խաղաղութեան երեքդունայ դրօշը պարգած իր 11 տարուայ չըջանում, որը խոստանում է մեծ յոյսեր Ֆրանսիային և ամբողջ տիեզերքին:

Նոր տարու պատճառով բոլոր բուլվարները ծածկվեցան փոքրիկ փայտեայ խանութներով, ուր ամեն բարիք դարձված՝ անցողաբարձողի ուշադրութիւնն են գրաւում:

Փարիզը, առանց այն էլ կեանքով եռուն քաղաքը, ուրախութեան տուն է կատարում այսօր. ամեն մարդ, փոքրից մինչև մեծը գեղեցիկ հագուած առաւօտեան մինչև ժամի 3—4 բուլվարի վրա է անցկացնում:

Վաճառականների աղաղակը, երկիւսների ճըրոցը և հագարաւոր կառքերի գուռոցը մարդու գլուխ են տրաքացնում: Հապա ուսանողները... այս խալիկուրի զաւակները և Լատինական թաղի հաւատարմ բարեկամները չափն ու սահմանն անցրին իրանց երկնայական արարմունքով: Ամենաանհամ և անճոռնի ձայն հանող դուռնա դուռուկ բերաններին դրած և մի քանիսն էլ ծիծաղալար զիման երեսին, անց ու դարձ են անում բուլվարների վրա գոռուն գոռունով:

*) Սխառնով համեմատ ոչխարի խորոված բուլուն է, որ ֆրանսիացիք ուտում են խաշած ձերմակ լուրիայով:

Հիմայ, սիրելի ընթերցող, արի ու դիմացիլ այս բոլորիս: Պէտք է գիտնալ, որ այստեղ նոր տարու համար հրացան ու թնդանօթ չէ արծակվում, այլ վառօդն ու գնտակը պահում են զազան մարդկանց համար ինչպէս տաճիկներին:

Առ այժմ այսքան էլ բաւական է և խոստանում եմ ձեզ շատ տեղեկութիւն տալ Փարիզի մասին ուրիշ անգամ, միայն թէ ստորագրութեան վրա շատ չը դարմանաք, սա խնկութիւն է...

Լանդիշ

Խ Ա Ռ Ն Լ ՈՒՐԵՐ

Ֆրանսիական «Figaro» լրագիրը հետեւեալ հետաքրքիր տեղեկութիւններ է տալիս իր հրատարակութեան մասին: Խմբագրութեան ամբողջ շտապը բաղկացած է 310 մարդուց: Խմբագրութեան մշտական աշխատակիցներ 50 հոգի են, 20 մարդ կանտորայի մէջ ծառայող, 50 գրաւարներ, 8 էկզպեկիտօրներ, 12 ծառայող խմբագրատան մէջ, 170 ցրուօղներ, որոնք բոլորը միասին ստանում են խմբագրութիւնից տարեկան 800,000 ֆրանկ: Բացի այդ փոստատանը վճարվում է 310,000 ֆրանկ և 220,000 ֆրանկ շտեմպիկի հարկ: Եթէ տարվայ ժամանակամիջոցում այդ թերթի ակցիօներական ընկերութիւնը, որի դրամապլուր կազմում էր 1,200,000 ֆրանկ, դուռ արդիւնք ստացել է 6,144,000 ֆրանկ: Անցեալ 1880 թիւն, դուռ արդիւնք ստացվել է 1,693,256 ֆրանկ: Տպագրվում է տարեկան 30,000,000 օրինակ, «Figaro» այն թերթերից է որ Փարիզում անուանվում է փոքր մամուլ:

Ֆրանսիացի երեկի վիպասան տիկին Ժորժ Զանդի մահից յետոյ գտնվել է անցանք քանակութիւն նամակների: Նրա որդին Մորից Զանդ զիտաւորութիւն ունի նրա այդ նամակներից մօտ չորս հազար հատ ապագրել տալու: Բայց հանգուցեալի ամենահետաքրքիր նամակագրութիւնը որ ունեցել է նա Ալֆրէդ Միւսէի, Լամետայի և Իշխան Գալիցիու հետ, համեմայն հանգուցեալի ցանկութեան, երբեք տպագրվելու չեն:

«ՄՇԱԿԻ» ՀԵՌԱԳԻՐՆԵՐ

ՄԻՋԱԶԳԱՅԻՆ ԸՆԿԵՐՈՒԹԵՆԻՅ

10հոկտեմ 19 յունվարի: Կարէյլ (?)

Ծանր հիւանդացու: „Daily News“ լրագիրը լսել է, որ կառավարութիւնը սկզբունքով վճռեց դադարեցնել վիճարանութիւնները, հէնց որ կրիզիս կը սկսվի և համայնքների ժողովին այդ առիթով ուրօշ առաջարկութիւն կը ներկայացնվի:

Ս. ՊԵՏԵՐԲՈՒՐԳ, 20 յունվարի: „Голосъ“ լրագրին Եւրոպայից հեռագրում են յունվարի 19-ից: Երէկ վերջացած Ֆիլիստերայի մասնաժողովի նիստը վճռեց սկսել որթերը բժշկել և արմատականապէս ոչնչացնել Ֆիլիստերան ծծումբաթթւով, հասնել վարակված խաղողներին, որթերը և արմատները այրել ռուստօրի եղանակով: Փոխել խաղողներին մասներ կարելու մասին ժամանակաւոր կարգադրութիւնը: Մտնելի այրելը յետագիւ մինչև մայիս ամիսը, վերաքննել Վրիմի բոլոր խաղողներին կը մինչև յուլիս ձենեկից հըրավրված էկզպերտի առաջնորդութեամբ, միջնորդել որ արգելվի հարաւային նուահանգիստները խաղողի և գեղձի բերելը: Կազմել չը վարակված ամբրիկական խաղողներին այգիներ:

Ս. ՊԵՏԵՐԲՈՒՐԳ, 20 յունվարի: „НОВОСТЕ“ լրագիրը հաղորդում է, որ Նիւքլին գործերի միւնիստը մտադիր է պարբերական նոր հրատարակութիւններին այլեւ թոյլատուութիւն չը տալ, ի նկատի ունենալով, որ եղածներին թիւը կատարելապէս բաւականացուցի է համարվում:

Ս. ՊԵՏԵՐԲՈՒՐԳ, 15 յունվարի: Պետական բանկի 5% տոմսը առաջին շրջանի արժէ 95 ռ. 12 կ., երկրորդ 93 ռ. 25 կ., երրորդ 93 ռ. 50 կ., չորրորդ 93 ռ. 12 կ., ներքին 5% առաջին փոխառութեան տոմսակր արժէ 221 ռ., երկրորդ 220 ռ. 50 կ., արեւելեան առաջին փոխառութեան տոմսակր արժէ 92 ռ., երկրորդ 92 ռ. 25 կ., երրորդ 92 ռ., ոսկի 7 ռ. 93 կ.: Ռուսաց 1 ռ. 1օնդօնի վրա արժէ 25,19 պէնս, Ուստերա դամի վրա 127 1/2 պէնս. Ռուսաց 100 ռ. Համբուրգի վրա արժէ 214 1/2 մարկ, Փարիզի վրա 266 ֆրանկ: Բարսայի տրոմաւորութիւնը ամուր է:

Խմբագիր—հրատարակող ԳՐԻԳՈՐ ԱՐԾՐՈՒՆԻ